

PREDMET: Poziv za tutore na 5. ediciji Škole programiranja Plus Ultra

Poštovani/a,

Udruženje za razvoj i podršku mladih Plus Ultra organizuje petu ediciju programa "Škola programiranja Plus Ultra" sa početkom u septembru ove godine. Ovo je najveća besplatna škola programiranja u regionu, a učesnike čine srednjoškolci uzrasta od 15 do 19 godina iz BiH, Hrvatske, Srbije i Crne Gore. Kroz 4 modula, učesnici će imati priliku izučavati **programski jezik C++**. Kurs je osmišljen po planu i programu prve godine elektrotehničkog fakulteta i prilagođen srednjoškolskom uzrastu. Polaznike dijelimo u dvije grupe - one koje uče osnove programiranja, i napredniju grupu koja već ima predznanje u programiranju.

Pored sedmičnih interaktivnih predavanja u trajanju od 3h, učesnici u manjim grupama (do 15 osoba) zajedno sa vama (**tutorima**) rješavaju prethodno zadane zadatke na **vježbama u trajanju od 1.5h**. Vježbe se održavaju u večernjim terminima zbog učenika koji su druga smjena u školi, a tutori sami biraju termin u kojem će održavati svoje vježbe.

Studenti Vašeg fakulteta uveliko mogu doprinijeti našem projektu **svojim bogatim znanjem i vještinama**, te mogu poslužiti kao inspiracija našim učesnicima da se i sami opredijele za studiranje elektrotehnike/informatike. Kao tutori Škole programiranja Plus Ultra, studenti će imati priliku steći iskustvo u oblastima komunikacije i mentorstva, upoznati studente elektrotehnike i informacionih tehnologija sa drugih univerziteta, te učestvovati u događajima koje udruženje Plus Ultra organizuje za naše volontere.

Od naših tutora očekujemo:

- Da su trenutno studenti elektrotehnike ili drugog fakulteta sa IT usmjerenjem;
- Strpljenje i empatiju za rad sa srednjoškolcima;
- Pouzdanost i spremnost za rad u timu.

Peta edicija Škole programiranja Plus Ultra održavat će se u periodu od sredine septembra 2024. godine, do početka maja 2025. godine, a **tutori mogu odabrati u kojem periodu žele držati svoje vježbe**. Prije početka programa, Organizacioni odbor Škole programiranja će **pripremiti tutore za rad** te im odgovoriti na sva moguća pitanja.

Krajnji rok za prijavu je **1. august 2024. godine**, a prijaviti se možete popunjavanjem [ovog obrasca](#). Za sva dodatna pitanja, možete kontaktirati glavnog organizatora Škole programiranja Plus Ultra: ahmed.softic@plusultra.ba.

S poštovanjem,

Organizacioni odbor Škole programiranja Plus Ultra